

YANGI O'ZBEKISTON

Ijtimoiy-siyosiy gazeta

№ 203 (992), 2023-yil 4-oktabr, chorshanba



www.yuz.uz



yuz.uznews



yuz_official



yuz.uz_news



O'ZBEKISTON STRATEGIYASI 2030

YANGI O'ZBEKISTON ORZUSI

ORTGA QAYTMAS ISLOHOTLAR MAQSADI

HAR BIRIMIZDA YARATUVCHANLIK SHIJOATINI UYG'OTADI

Bugun axborot texnologiyalari shiddat bilan rivojlanib, makon va zamon chegaralarini yo'qqa chiqardi. Qadriyat va asriy an'analar, dunyoqarashlar evrilish jarayonida. Dunyo xalqlari ana shunday murakkab va jadallik kasb etgan taraqqiyotga mos ravishda o'z yo'lini topishga intilmoqda.

Ana shunday taraqqiyotga mos ravishda O'zbekiston ham jahonda o'z o'rnini, o'z so'ziga ega bo'lgan mamlakatlar safida harakat qilyapti. Nuktadon ta'bir bilan aytganda, dunyo maydonida va o'z azmida qoyim turmoq, maqsadga erishmoq uchun muttasil oldinga intilish, hayotni va tafakkurni isloh qilish, yangilanish tomon sobitqadamlik bilan borish talab etilayotir.

"O'zbekiston — 2030" strategiyasi teran mazmun-mohiyati, ko'lamdorligi, istiqbolli maqsad va vazifalarni aniq-tiniq belgilab bergani bilan ana shu qat'iyat va sobitlikni yana bir bor tasdiqlagan hujjat bo'ldi.

Strategik maqsad – insonning qadr topishi

Keyingi yillarda mamlakatimizda amalga oshirilayotgan islohotlar mohiyatiga teran nazar tashlasak, ular tub zaminida xalqimiz rivojlangan davlatlarga xos hayot darajasiga erishishi, yangi jamiyat qurish, yurtimizning zamonaviy va jozibador qiyofasini



yaratish, bir so'z bilan aytganda, yangi O'zbekistonni barpo etishdek ulug'vor maqsad-muddaolar yotganini yaqqol anglaymiz. Davlat siyosati markazida esa inson va uning manfaatlarini ta'minlash ustuvor vazifa etib belgilandi. Bu bir yoki ikki yillik siyosat emas, muntazam davom etadigan, strategik maqsad ekanini 2017–2021-yillarda O'zbekiston Respublikasini

rivojlantirishning beshta ustuvor yo'nalishlari bo'yicha Harakatlar strategiyasi hamda 2022–2026-yillarga mo'ljallangan Yangi O'zbekistonning taraqqiyot strategiyasi, ularda belgilangan maqsadli chora-tadbirlar misolida oydinlashdi.

[Davomi 3-betda](#)

INSON HUQUQLARI UMUMJAHON DEKLARATSİYASINING 75 YILLIGIGA

UMUMIY MAS'ULIYAT HAQIDAGI BILIM

insonlarni o'zi va boshqalarning huquqlarini himoya qilishga undaydigan qadriyatlar hamda munosabatlarni ilgari suradi

Mamlakatimizda "Inson qadri uchun" degan ezgu g'oyani to'liq ro'yobga chiqarish, inson huquq va erkinliklari sohasidagi xalqaro standartlarni milliy qonunchilikka implementatsiya qilish, davlat organlari faoliyatiga tizimli va bosqichma-bosqich joriy etish bo'yicha keng ko'lamli ishlar amalga oshirilmoqda. Ularning zamonaviy huquqiy asoslari yaratilgan va bu jarayon davr talabidan kelib chiqib, izchil takomillashtirilmoqda. "O'zbekiston – 2030" strategiyasida ham bu boradagi ustuvor vazifalar o'z ifodasini topgan.



Shu bilan bir qatorda, O'zbekiston BMTning Inson huquqlari bo'yicha kengashi a'zosi sifatida faol harakati, Tashkilotning Inson huquqlari bo'yicha oliy komissari hamda inson huquqlari masalalari bo'yicha maxsus ma'ruzachilar bilan yaqin hamkorligi ayni yo'nalishdagi ishlar rivojida muhim omil bo'layotir.

O'zbekiston Respublikasida inson huquqlari sohasidagi milliy ta'lim dasturi qabul qilinishi bu boradagi ishlarining mantiqiy davomi bo'ldi. Ushbu huquqiy hujjat mamlakatimizda inson huquqlari sohasidagi ta'limni yanada rivojlantirish, aholining huquqiy savodxonligini oshirish,

davlat xizmatchilarining inson huquqlari va gender tenglik sohasidagi bilim va ko'nikmalarini rivojlantirishda dasturilamal bo'lmoqda.

Inson huquqlarini faqat bu boradagi bilim va ko'nikmalarni tarqatish orqali amalga oshirish mumkin. Unda barcha insonlarni o'zi va boshqalarning huquqlarini himoya qilishga undaydigan qadriyatlar, e'tiqod va munosabatlarni ilgari suriladi. U har bir shaxsning har qanday jamiyatda inson huquqlari hayotda amalga oshirilishidagi umumiy mas'uliyati haqidagi tushunchani rivojlantiradi.

[Davomi 3-betda](#)

NUQTAYI NAZAR

TILAK YAGONA, ISTAK EZGU, NIYAT POKIZA...



Dunyo kiprikdagi yosh kabi qalqib turgani bor gap. Atrofdagi voqealarni kuzatib, tinch yurtda yashayotganingga shukrona keltirasan. Halovatda yashashning bir uchi qo'shningning uyidagi osoyishtalikka bog'liq ekanini chin dildan his qilasan. Sen yumshoq yostiqda orom olayotgan bir paytda dunyoning qay burchagida boshpanasiz, ochlik azobini chekayotgan bolajon borligi, erta azonda omon uyg'onishi gumon bo'lgan ona hadik bilan tunni qarshi olayotgani, bir hovuch suv uchun bor bisotini berishga tayyor odamlar yashayotgani haqida o'ylasang, yuraging uvushadi.

Ijtimoiy tarmoqlarda aylanayotgan shunday lavha ko'z o'ngingdan o'tadi: yosh mutaxassis qurg'oqchilik hukm surayotgan hududga borib, jajji qizaloqqa qadoqlangan idishdagi suvni tutadi. Chanqog'ini qondirish chog'ida qizaloqning ko'zidan tomchi-tomchi yosh oqadi. Ovqat, non, yegu-

likni qo'ya turing, bu yaqin orada u to'yib suv ichmagan. Eti ustuxoniga yopishib ketgan olti yoshlar chamasidagi bola o'z qo'lini cho'zadi, yig'lay desa, yig'lashga-da madori yo'q. Ana, yana bir tomonda ur-yiqit, to'polon, o'q ovozi, go'daklar ohi...

[Davomi 5-betda](#)

BOQIY MEROS



YOXUD QATAR ISLOM SAN'ATI MUZEYIDAGI ENG NOYOB EKSPONATLAR

Dunyodagi bir qancha yirik muzeylar, kutubxonalar, shaxsiy to'plamlarda O'zbekiston tarixiga oid yig'ilgan noyob ashyolar majmuasini turli kolleksiyalarga ajratish mumkin. Ushbu noyob moddiy-madaniy meros ajdodlarimiz yaratgan nodir qo'l mehnati namunasi ekanini va dunyo madaniyati rivojlanishida katalizator

vazifasini bajargani bilan ham qadrlidir. Bugungi tadqiqotlarda temuriylarga oid ashyolar Rossiya, Yevropa va Arab davlatlari muzeylari, shaxsiy kolleksiyalarda ham mavjudligi aniqlangan.

[Davomi 6-betda](#)

BUGUNNING GAPI

QARS IKKI QO'LDAN CHIQAADI

1998-yili Germaniya Federativ Respublikasida ba'zi sohalar, jumladan, ta'lim jabhasini o'rganish uchun jurnalistik safarda bo'lganman. Ochig'i, o'shanda u yerdagi maktablarda erkak o'qituvchilarning bizzadigan ancha ko'pligi hayratlantirgan. Sababini surishtirganimda, birinchidan, o'qituvchining maoshi kam emasligini, ikkinchidan, hamma yerda maktab borligi uchun oson ish topilishini aytishgan. O'ylab qaragam, o'tgan asrning 60-yillarida maktabda o'qigan biz tenglarga, asosan, erkaklar ta'lim bergan.



[Davomi 5-betda](#)

MUNOSABAT

Markaziy Osiyo — Germaniya: BARQAROR VA IZCHIL TARAQQIYOT YO'LIDA

Bugun jahon iqtisodiyotining turli sohalarida yetakchi o'rinlardan birini egallaydigan Germaniya O'zbekistonning Yevropadagi ishonchli va istiqbolli savdo-iqtisodiy hamkori. U O'zbekiston mustaqilligini birinchilardan bo'lib tan olgan va diplomatik aloqalarni o'rnatgan davlatdir.



Germaniya va Markaziy Osiyo davlatlari, jumladan, O'zbekiston o'rtasidagi aloqalar ko'p qirraliligi bilan ajralib turadi. Xususan, iqtisodiyot, ilm-fan, sog'liqni saqlash, transport-logistika, qishloq xo'jaligi, iqlim o'zgarishlariga

qarshi kurashish va atrof-muhit muhofazasiga bo'lgan intilishlari o'xshashdir. Mintaqaviy hamkorlik borasidagi munosabatlar ham faollashib bormoqda.

[Davomi 2-betda](#)

